

隨州志卷二十九

方外

陸清獻公靈壽志不載二氏所以息邪說也然高僧有傳列仙有錄後世著作家亦不以列在方外而擯之茲依舊志編入以符體例

隋

淨業漢東隋人也精研律部博綜異聞仁壽二年被舉送舍利於安州之景藏寺初欲於十方寺置之行至景藏忽感異香滿院眾共嗟怪因而樹立將下舍利赤光挺

隨州志

卷二十九

方外

一

出照於人物寺重閣上聞眾人行聲及往掩捕扃閉如初一人不見塔北有池沙門淨範爲諸道俗受菩薩戒乃有羣魚遊躍首皆南向似授歸相範即乘船入水爲魚授戒魚皆迴頭繞船如有聽受都無有懼業慶其遇乃以舍利置於佛堂先有塑像菩薩一軀不可移轉至明乃見迴身面於舍利狀類天然一無損處屢興利瑞傳言不盡

續高僧傳

唐

紫陽先生胡公失其名漢東人也生便開悟於三教諸書

畧能窺見大旨八歲登仙城山翛然有出世之想歸而凝思累日復取道藏諸經讀之漸多超解稍稍行導引法卽能數日不食遊衡湘間異人教以吸景煉氣之方於是憇迹名山與諸眞士居高談混元金書玉訣亦自謂身揭日月心飛蓬萊矣旣而復出東抵良常謁天師李含光遂傳無爲要旨明皇天寶之初崇尚道流因威儀元演之薦厚禮下賁徵爲西京太微宮使當是時方士駢集闕下服食吐納之法金丹黃白煉形匿影登刀吐火之術爭爲幻惑而先生退然自處日集諸弟子講

隨州志

卷二十九

方外

二

說道德經剖析淵奧皆非方士家所能喻嘗謂魏伯陽參同契一書實性命宗旨而後世錯解以爲龍虎鉛汞之訣故語多支離又云伯陽吞丹旣死復活亦後人妄傳因作參同契解以辟諸謬說久之放歸卒於途歸葬

郡南新松山李白爲作銘焉

徵舊錄

貞倩失其姓氏隨人也少任俠好結交至破其產中年浪跡四方迄無所就遂歸入仙城山爲僧於是屏除一切惟日吟咏聞李白時在江夏卽往見白定文字交盡索其藁以歸白有送清□□□□序

補述

善信南昌王氏子受度於本州開元寺僧清照而契心印於馬祖道一北遊五臺感妙德現瑞相發願爲眾僧執爨三年儉力卻之信涕淚雪泣不已有父老告之曰汝緣在南方眾不汝容盍行矣乎逢隨卽止遇洪卽住信遂挈錫南還以寶曆二年秋抵隨州覩一山巍然問於逆旅主人曰此爲何山答曰大洪山信惕然思父老語則延緣而入至於山麓諸水所委滙爲重湖神龍居焉旱乾水溢有禱輒應時久不雨鄉人張武陵具羊豕將以致禱信見而悲之謂武陵曰雨晴不時本由業感害

隨州志

卷二十九

方外

三

生自利徒增汝臯可且勿殺吾爲汝祈約以三日必雨武陵聽之信探幽履險得山之北崖泊然晏坐運誠默禱及期雷雨大作雨旣霑足武陵訪求於崖中時信猶在定蛛絲羃面附耳而號控體而告久之方覺武陵遂施此山爲建精舍太和元年五月二十九日信密語於龍神曰吾前許以身代牲輟汝血食今捨身餉汝汝可享吾肉卽引刀斷左右足白液傍流儼然入滅雙足留鎮山門肉色久而不變四眾哀慕稱之曰佛足有司以聞於朝賜號慈忍大師額院幽濟後以祈禱有奇驗累

加寺號曰靈濟宋末隨數被兵洪山又當其要害爲南
北必爭之地邊境之民旣多疏教叢林之下亦無以安
其居京湖制置使孟珙隨人也與都統張順謀遷其眾
適於樂郊乃度地於鄂州之山自隨州捧佛足及累朝
所被誥勅徙寺額僑置焉元始祖在潛邸帥師南伐駐
蹕於鄂遙見山頂有神人立於雲端詢知爲大師化迹
所寓深加敬異暨班師實函佛足扈從至京師特命安
置於密宇而嚴奉之旣正位有旨遣使護送還山道出
許州佛足重莫能舉使者歸奏詔卽其地建寺

節錄元黃潛碑

隨州志

卷二十九

方外

四

記

宋

唐守澄隨州人幼入武當爲道士姿貌清奇杖頭長掛葫
蘆數十往來均房間預道人吉凶多奇中常無故叱辱
人人被叱辱者必得福慶人稱之曰唐風仙或立積雪
或卧道傍常有虎豹守衛住紫霄南巖諸宮年八十餘
道著遠近點墨片紙可療異疾度徒百餘人解化之日

面若童子

均州志

智緣隨州人善醫嘉祐末召至京師每察脈知人貴賤休

咎診父脈而能道其子吉凶所言如神士大夫爭造之
熙甯中王韶謀取青唐上言番族重僧而僧結吳叱臘
主部帳甚眾請智緣與俱至邊神宗召見賜白金遣乘
傳而西稱經畧大師智緣徑入番中說結吳叱臘歸化
他族俞龍珂等皆書款韶頗忌惡之言其撓邊事召還
以爲右街首坐卒

宋史本傳

長慶不知何許人但云自蜀中來元祐初至隨西清涼山
見山景幽異遂結茅爲焚修地久之道價日起遠近嚮
風於是檀施絡繹以次建造遂成叢林卽名長慶紹聖

隨州志

卷二十九

方外

五

中有詔大洪靈峯寺僧革律從禪緇侶戀故往往挈鉢
出寺爭依長慶法筵益振學徒千有餘人至寺不能容
乃別建寶豐觀音諸下院以居之慶盡心化導隨其根
器各得解悟人以爲慈忍後身復出

徵舊錄

報恩俗姓劉名欽憲黎陽人家世以武進未冠舉方畧調
官北都忽嘆曰是何足以了此生願脫簪紱求出世法
有司以聞詔詰其故曰臣祖死王事顧無報厚恩惟有
薰修之功庶幾幽冥之助制曰可遂賜今名卽祝髮遊
歷諸方往依青禪師於投子山一日晨起師問曰天明

未曰明矣師曰明則捲簾恩乃頓悟心地洞然後居嵩山少林寺紹聖元年詔改隨州大洪山律寺爲禪院命恩往往持大洪蕪廢已久恩至普施法雨遠邇悅服於是富者薦貨貧者獻力闢荆榛蓮藿之場爲像設堂皇更定禪儀大新軌範由是大洪精舍壯觀天下矣崇甯二年召入京師五年再還時當道屢欲請錫師號見恩持戒甚嚴遂不敢措意所著有語錄三卷集曹洞宗派錄三卷授菩提心戒文一卷

節錄宋范域塔銘

道楷俗姓崔費縣人少學神仙辟穀術隱伊陽山中旣久

隨州志

卷二十九

方外

六

知非究竟乃棄所學爲僧遍參知識最後舒州投子山見青禪師一言深契青以明安衣履付焉元豐五年出世七坐道場郢之大陽隨之洪山皆當世以禮延請未幾被詔入京遺中貴人王松年偈云石田焦谷又生芽暮種朝收濟幾家巢父飲牛牛不飲漁翁撥掉又蘆花京尹李孝壽奏之因得放歸楷本田家子兒時父令毆蝗楷先毆隣人田父詰之曰損他利己所不忍爲

節錄

宋王彬塔銘

德淳俗姓賈梓潼人始祝髮卽究明教典旣復徧參知識

至大陽訪道楷楷一見器之相從至大洪山學識威儀
爲眾標表後住南陽丹霞山政和五年隨守向公請主
大洪保壽禪院院經回祿之後雲構化爲荒墟涓悉力
經營增壯於前衲子依投幾五百輩有語錄偈頌四卷

行世

節錄宋韓詔塔銘

慶預俗姓胡京山人年二十四依大陽道楷出家楷器其
所證遣佐丹霞德涓政和三年草寇李鬲竊發襄鄧間
寺之運糧丁爲賊所掩盡奪糧以去旣而吏捕得賊視
米袋有丹霞字謂賊所從來將網而坐之主事僧俱駭

隨州志

卷二十九

方外

七

竄預主藏事獨惻其無辜乃越而代之請以身就訊阨
於囹圄者半年事竟白識者高其行南陽之民至以預
羅漢稱之後涓遷大洪以預主水南興國席涓化後徒
止大洪時當靖康之年羣盜環山若林預不爲意日據
繩牀頤指甚閑外飭其徒之強毅者固守圉以折賊勢
內率其徒之專靜者謹禪誦以覲國威若是者數年卒
與此山巋然不拔所活不啻萬人士大夫之家賴以生
者猶七八百數雖艱難中所設施舉中禮法紹興十年
夏忽示微疾索筆書曰末後一句最難名轉步回頭十

萬程除卻我家諸嫡子更誰敢向裏頭行擲筆而逝節

錄宋榮蕤塔銘

守遂蓬溪章氏子也幼不茹葷不隨童戲父母顧之曰此兒終非塵中人乃聽其出家參訪襄漢一時尊宿依棲大洪山忽見蟲飛墜地豁然大悟主座報恩肯之命總院事既而隨守袁灼請主郡東雙泉禪院衲子奔轅傳道不暇袁守欽師道德奏賜淨嚴禪師之號俄改住水南禪院德望益著紹興乙卯還主大洪山時襄漢纔復百里絕人山頂僧徒存不滿百供利阻隔莊夫耕具十

隨州志

卷二十九 方外

八

無一二遂方定居勸勉緇流開通道路招人闢田未期歲四方禪衲駢肩而來檀施社供如赴約束逾年僧及半千復修院宇追述先範大闡綱宗自此靈濟廢而復

興節錄宋馮熾塔銘

慶顯俗姓王廣安人本儒家子幼不爲聲利所動後出家詣天童見宏智禪師三年辭去智送之云見吾叔淨嚴遂當爲子師顯奉教徑趨大洪始至遂師問云今夏離什麼處顯云天童師云見水磨否左轉耶右轉耶顯云何轆轤地師云活頭漢顯云非但某甲佛祖亦然師首

肯之自此日就月將作用綿密遂嗣師法綱師囑付云
汝善護持它日孤峯建大洪幢亢吾宗矣於時京西帥
漕漢東太守共論薦之朝廷下省帖照應舉請蓋自顯
始也又降覺照慧空佛智明悟大師八字法號顯又自
號牧蛇作牧蛇說其要以眼耳鼻舌身意森羅萬象爲
蛇謂來無所從去無所至於其中間誰是牧者孝宗在
東宮時嘗書牧蛇菴三大字以標榜叢林節錄宋張淵塔銘
明

大休隨州人焚修於七峯山中四十餘年不履城市知州

隨州志

卷二十九

方外

九

事祝以幽屢招之僅得一晤而返豫楚名士多就見之

著有語錄盈尺餘後跌坐而逝

舊志

舊志尚
有僧無
念按無
念應山
人有武
昌歸隱
詩故湖
廣通志
載入武
昌府下
不當入
隨志

本朝

長慶寺老僧失其名順治初寺已盡廢僧傷心圮敗發願
重新挺身募化夏暴烈日冬露雪霜跣行數百里外焚
指刺臂靡苦不嘗以次修建殿室齋寮凡前所有者不
敢廢也復飾諸佛像莊嚴有加越二十年始告厥成而
僧年亦八十矣或云僧本農家子崇正七年流賊寇隨

卽負父竄入寺於佛前自誓若父得無恙願出家爲僧
重建此寺乃耕寺後隙地養其父者十有二年父死卽
日剃髮乞爲僧寺僧以其齒已長相遜弗敢爲師故無
度牒因卒無名全上

萬慈京山人俗姓王幼業儒宿植慧根因母遭亂死非其
命誓願披削以報深恩出家於大洪山寺旣而遍參方
外備嘗辛苦旣歸見寺老僧殘興悲灰切於是奮發重
樹宗範講說精勤冰霜軌律靈濟一燈復照徹隨郢間
暇日蒐羅唐宋以來遺篇逸事編大洪山志一書甚爲

隨州志

卷二十九

方外

十

時賞

參錄賀運清功德碑記